

揭曼碩詩集







揭曼碩詩集

揭傒斯撰

編主五雲王

編初成集書叢

集詩碩曼揭

中華民國二十六年六月初版

撰者 揭 傒 斯

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

*E九二八

徐

二

(本書校對者童振福)

揭曼碩詩集目錄

卷一

臨川女

夏五月武昌舟中觸目

張君壽先生鵠山隱居

送趙履道虞叔常還江右

寄題九江義門陳氏壽安堂

正月十二日尋盧學士船至漢口留詩爲別

黃尊師高軒觀鵝因留宿

衡山縣曉渡

題王山仲所藏瀟湘八景圖卷走筆作八首

以事暫如武昌發臨川

女兒浦歌

送尹十六善叟謁告歸茶陵會葬賢兄處士十韻

送黃五舅得武陵校官還辰州寓居省侍

貧交行

曉坐張先生朝陽軒

別武昌

南康夜泊聞廬阜鐘聲

春日雜言七首

夢兩雛

夢武昌

遊麻姑山五首

并序

盧學士奉旨南祀海嶽繇鍾陵相別聞尙留會稽有懷奉寄

病夜

得程翰林揚州消息

歸故園新居落成後作

山行

寄題馮掾東臬園亭

宿梁安峽夢故室有感時還盱江

送趙仲遠赴甌寧

山莊晚立有懷舍姪沆督穫臨川

哭王十良仲

雨述三篇

春莫閒居寄城西程漢翁十五韻

長風沙夜泊

何郎失鑿詞

贈青城侯尊師次人韻

贈友

曉出順承門有懷大虛

京城閒居雜言八首

去婦詞

四友詩

賦雙陸

泊安慶時再北游

漁父

高郵城

濟州初度

楊柳青謠

雜詩四首寄彭通復

柏堂詩

卷二

獻張平章

題祝道士龍虎山先天觀

二貞詩

史館獨坐

周待制致樂堂詩

馬氏巖溪圖

山水圖

送道士薛元卿歸江東

大明殿退朝和周待制

祖生詩

孤雌行爲鄆城節婦作

燕氏救兄詩

送華尊師以天壽節奉詔祀武當

送馬雍古御史撫諭河西

送周山人之遼東

李宮人琵琶引

題上都崇真宮陳真人屋壁李學士所畫墨竹走筆作

集賢大學士趙國公王開府慶八十應制

陵陽牟景陽以名祖父之子孫負奇材勁氣而與世抹殺自台州教授入掾翰林一語不合竟棄去

不顧以詩爲別

結羊腸詞

劉承旨父大司徒邢國公慶九十應制

小孤山次韻

贈別曾編修歸廬陵葬學士兄

寄題臨川西礪范氏寓居

尋舍弟將至東牢宿野店

贈王郎

沈逸人東觀招飲山館

畫鴨

題聶氏陶軒

送涂雲章訪舊武昌卻入京師

歸舟

小孤山曉發和蔡思敬韻

大信晚泊呈舟中諸公

白楊河看月

歌風臺和李提舉韻

題嚴陵獨釣圖

題鼯鼠食瓜圖

哭信州仙源觀徐尊師乃元教大宗師張開府之弟子也

送蔡思敬還豫章有懷遼陽李提舉

孔林圖詩

壽樸山詩一首爲吳真人公生朝作壽樸山其里山名

壽王副樞

李將軍歌一首送李天民赴邵武軍口巡檢

題桃源圖

送人歸豫章

送王留守宣慰荆湖

題張尊師畫

送播州楊宣慰歸藩

寄題括蒼王氏東野二亭

畊雨 心遠

寒夜作

送唐尊師祠武當

送詹尊師歸廬山

贈淳真子

孤松篇壽王大學士

過何得之故居五首

送譚仲章歸長沙

我我亭詩

送鄭司獄歸衢州卻赴調京師

題山水

題御馬圖

題山暉圖爲劉尊師作

題臨江同知問流民事蹟

寄題朱氏真村堂

送人從軍

題淵明歸去來圖

卷三

題明皇出遊圖應制

送孔學文赴大庾巡檢

送李都事赴湖廣省幕

畫鷹

題張使君棄官學道詩卷

送戶曹掾于孔昭赴南臺掾

寄題胡氏園趣亭

題文瑞圖

題南頓孔氏復明詩卷

奉同柯博士甘內掾下直賦

賦得海上雲送良上人歸徑山

吳子高悼亡歸岳陽

秋夜作

進士張于高得邛州判官歸成都

題陶淵明歸圖

寄題傳尊師兄弟所作寧壽道院

二月朔日雪中題歐陽少監所藏宋好古畫竹

雲錦溪棹歌七首

御書雪林二字賜趙中丞應制

題胡虔汲水蕃部圖應制

題辛澄蓮華觀音像應制

杜節婦詩

題內府畫四首應制

韓滉土星像 曹將軍下槽馬圖 韓幹馬 宋徽宗成平殿曲宴蔡京圖

送祕書李道濟赴峽州幕

奉送全平章赴江西

題青山白雲圖

桃華鸚鵡

趙孝子

題姑蘇陸友仁所藏衛青印

廬山連尊師求真陽詩久諾而未作也一夕夢中得之因書以贈

贈項鍊師

送鄉人祐上人從師歸當陽

送蘇尊師歸茅山

寄題張齊公廟

題李安中白翎雀

寄題楊教授菊莊

番禺蕭性淵攜其祖將領所愛唐琴號霜鍾者還自和林求詩六月三日五門宣赦後作

送王伯循編修赴南臺御史

寄題鄴下樊氏鍾秀園

題廖氏皆春堂

大駕既幸上都率奎章諸生之留京者讀書宮南史館中得大熱疾勢危甚項君子虛視之一藥而

起爲賦五言一首爲謝

周氏敖山驛水木清華亭

題趙照磨虛舟

送毛真人還龍虎山

故中憲大夫嶺北行省左右司郎中蘇公志道哀詩

題羅稚川所畫臨川羅益謙溪居圖

寄題武寬則湖山堂

十月十八日夜南郊齋宿夢先帝召見便殿手賜橘花一枝有感而作

寄題上饒鄭氏菊莊

題四清圖

題新安許氏蘭秀軒

夢題墨梅

寄題永豐劉氏暖翠亭

寄題信州德元觀何真人林園長春亭

題信上人春蘭秋蕙四首

蔡七祖真人得朱文公所書讀書二字以名其齋請賦

送陰陽蕭教授赴瀏陽

賦得春雁送張郎中省覲揚州

送聶大祝赴潮州錄事

題俞氏看雨軒

題江道士清虛館

賦得吳歌送人歸吳中

揭曼碩詩集卷一

臨川女

元 揭傒斯撰

我本朱氏女。住在臨川城。家世事趙氏。業惟食農耕。五歲父乃死。天復令我盲。莫知朝與昏。所依母與兄。母兄日困窮。何以資我身。一朝聞密言。與盲出東門。阿母送我出。阿兄抱我行。不見所向途。但聞風雨聲。行行五里餘。忽有呼兄名。兄乃棄我走。客前撫我言。我與趙世親。復與汝居鄰。聞汝卽赴死。扶服到河濱。我身盡沾濡。不復知我身。汝但與我歸。養汝不記年。涇涇遵旋路。咽咽還入城。城中盡驚問。戚促不能言。望門喚易衣。恐我身致患。再呼我母來。汝勿憂饑寒。汝但與盲居。保汝母女全。我母爲之泣。我鄰爲之歎。喜我生來歸。疑我能再明。況得與母居。不異吾父存。我今已十三。溫飽兩無營。我母幸康強。不知兄何行。我母本慈愛。我兄亦艱勤。所驅病與貧。遂使移中情。常日不知死。今日豈料生。我死何足憾。我生何足榮。所恨天地生。不如主翁仁。誰能爲此德。婁公名起莘。

夏五月武昌舟中觸目

兩鬢背立鳴雙槳。短簑開合滄江雨。青山如龍入雲去。白髮何人竝沙語。船頭放歌船尾和。篷上雨鳴篷

下坐推篷不省是何鄉。但見雙雙白鷗過。

張君壽先生鶴山隱居

當日自期顏杲卿。莫年羞見魯諸生。膝兼多病終難屈。身爲長愁視轉輕。日晏典衣留客醉。雨餘開戶看兒耕。淮雲楚樹晴如掃。臥送年年江水聲。

送趙履道虞叔常還江右

趙子我同里。虞郎我同年。手折武昌柳。送上西江船。買魚沽酒燒荻鞭。夜下西塞寒山前。西塞山碧如苔。君今去。幾時來。東風花開春水漲。待君黃鸝磯頭望。君庾公樓上。

寄題九江義門陳氏壽安堂

匡廬之陰彭蠡涯。七百餘載真良家。

宋御書表其門曰真良家。

冲和鬱勃吹不散。飛落南山萱草花。往時冠蓋如流水。掃

鐘鼎食三萬指。詔書十度復租庸。每歲朝廷仍貸米。父慈子孝則四方。紀淨綱明照閭里。蓬萊水淺昆明空。天開地闢元氣通。張公百忍澤未竭。王母千年桃始紅。南山築堂三百步。翠竹屯雲森玉樹。忠厚必有神明扶。淳樸自是期頤具。方瞳綠鬢紅氍毹。春酒搖蕩香扶疎。公侯子孫始必復。日爲大夫人起居。

正月十二日尋廬學士船至漢口留詩爲別

晴江澹微瀾。曳雲在曾幟。參差連舫出。散漫羣鷗遠。始知遼漢廣。遙睇高旆卷。懷賢每忘賤。臨流亦忘蹇。

蒼茫景將入，窈眇春猶淺。新知遽相違，餘悰何由展。

黃尊師高軒觀鵝因留宿

開軒南嶽下，世事未曾聞。落葉常疑雨，方池半是雲。偶尋騎鶴侶，來此看鵝羣。一夜潺湲裏，秋光得細分。

衡山縣曉渡

古縣依江次，輕輿落岸隈。鳥衝行客過，山向野船開。近嶽皆雲氣，中流忽雨來。何時還到此，明月照沿洄。

題王山仲所藏瀟湘八景圖卷走筆作

瀟湘夜雨

潏潏暗江樹，荒荒楚天路。穩繫渡頭船，莫放流下去。

遠浦歸帆

冥冥何處來，小樓江上開。長恨風帆色，日日誤郎回。

煙寺晚鐘

朝送山僧去，莫喚山僧歸。相喚復相送，山露濕人衣。

洞庭秋月

顯氣自澄穆，碧波還蕩漾。應有凌風人，吹笛君山上。

平沙落雁

天寒關塞遠。水落洲渚闊。已逐夕陽低。還向黃蘆沒。

漁村晚炤

定從海底出。且向平沙照。漁網未全收。漁舟還下釣。

山市晴嵐

近樹參差出。行人取次多。板橋雙路口。此世幾迴過。

江天暮雪

孤舟三日住。不見有人家。昏昏竹籬處。卻恐是梅華。

以事暫如武昌發臨川

江轉欲無路。山迴忽似圍。客程秋共遠。物色晚多疑。稍稍沙鷗集。忽忽野樹稀。武昌今夜夢。定有故人知。

女兒浦歌

女兒浦前湖水流。女兒浦前過湖舟。湖中日日多風浪。湖邊人人還白頭。

又

大孤山前女兒灣。大孤山下浪如山。山前日日風和雨。山下舟船自往還。

送尹十六善叟謁告歸茶陵會葬賢兄處士十韻

八歲賴賢兄。未理猶望生。旋聞日下葬。敢戀世間榮。得告知無及。嚴期況有程。意長看路短。義重覺身輕。

鄉樹迎船出。江雲入莫橫。望山占驛堠。聽雁作城更。但使能臨穴。猶堪略慰情。死生今古異。去住別離并。尙足酬知己。非貪美俗評。匆匆不可盡。迴首各沾纓。

送黃五舅得武陵校官還辰州寓居省侍

寧上山頭種禾黍。莫向他鄉作羈旅。山田得雨尙有年。他鄉顛顛何人憐。一身千里家何在。全家更在沅湘外。獨樹雞鳴楓葉飛。荒村雁沒蘆花碎。親在窮邊望子還。子在長途衣復單。居無寸田出無僕。明年作

音
佐 官當食祿。

貧交行

驅車涉廣川。揚帆陟崇丘。結交四海內。中道多愆尤。朔風厲苦節。獨鶴橫九州。朝拂三島樹。夕過五城樓。兩翅偶寒影。曠然何所求。登高臨大江。日莫萬里流。時哉疏繫人。八年忘外留。出必益稷俱。歸與夔龍儔。進退兩不疑。功成垂千秋。萬事日相斂。恩情若雲浮。吾心苟不渝。反覆安足仇。自非天地外。何能獨忘憂。

曉坐張先生朝陽軒

朝日照高樹。幽人方啓關。蕭寥塵外事。風葉滿窻間。

別武昌

欲歸常恨遲。將行反愁遽。殘年念骨肉。久客多親故。佇立望江波。江波正東注。

南康夜泊聞廬阜鐘聲

廬山三百寺。何處扣曾雲。宿鳥月中起。歸人湖上聞。入空應更迴。近瀑正難分。遙想諸僧定。香爐上夕熏。

春日雜言七首

日月朝朝新。何物能獨久。常恐天與地。變化留已朽。東風闐然來。茫茫浩無首。起視桃李樹。睽豔一非舊。如何揚子雲。泯默空自守。

又

朝出城西門。孤墳何穹窿。雄狐竄其西。脩蛇出其東。云昔有狂士。七尺才且雄。平生無所賴。屠狗涉春冬。朝際風塵。身貴位益崇。死生好惡間。咄嗟生秋風。氣驕日憑陵。家國兩蒿蓬。子孫分散盡。空有牛羊蹤。

又

羃歷楊柳枝。蒙茸春草齊。天天誰家婦。采桑臨路岐。零露沾其裳。蛛絲卷其衣。樹高身苦弱。蠶飢行復遲。辛苦事姑嫜。宿昔減容輝。見者皆歎息。此心知獨誰。良人日莫至。醉問爾何爲。

又

凋凋田間雀。啄啄常不給。春水日已深。網羅復相及。既無養生具。日夕湯火急。多謝雲間禽。無爲自羈繫。

又

祝融九千丈。瀟湘地底流。淘湧洞庭野。崩騰江漢秋。上有飛仙人。身披紫雲裘。昔者嘗相遇。渺若乘丹邱。

同歌黃鶴渚。共醉岳陽樓。思之忽不見。獨立悵悠悠。

又

我有琅玕草。欲贈江東客。出門道路長。卷袂空歎息。靈苗世所尙。良士余所惜。神仙無千年。耿耿誰復識。

又

五歲能讀書。十歲能賦詩。十五事遠遊。三十無所爲。既乖俯仰責。復爲鄰里欺。生計日已疎。世態多瑕疵。煌煌金張門。徒隸皆光輝。日晏賓客集。軒車如風馳。一笑擲千金。片言委黃泥。齊生獨抱瑟。來往何逶迤。

夢兩難

阿英十二能辟繡。阿牛五歲貪讀書。辟繡成縷無人織。讀書有志令人惜。汝父飄零汝母休。吾親雖健俱白頭。雨聲斷道風驚屋。阿婆獨抱諸孫哭。

夢武昌

黃鶴樓前鸚鵡洲。夢中渾似昔時遊。蒼山斜入三湘路。落日平鋪七澤流。鼓角沉雄遙動地。帆檣高下亂維舟。故人雖在多分散。獨向南池看白鷗。

遊麻姑山五首 并序

湖北憲使程公。閒居旰上二年矣。五月二十日。詔拜翰林學士。又十日。公與使者及諸客同遊麻姑山。輒以覽歷所止賦詩五首。

雲關

君子荷初服。恩至若無榮。穆穆芳雨散。悠悠蒼山行。危關擁霧黑。飛術緣雲青。苔蘚滑如積。杉松宵冥冥。時逢負苓翁。忽聞流水聲。舉足向益高。矯然欲遐征。徒隸各忘倦。矧彼高人情。

飛練亭

神工擲天紳。挂之兩崖間。萬古輸不盡。誰能測其端。勢割山石愁。氣挾草木寒。安得天風吹。繫彼日月還。麻姑綠雲髮。黝黝長不殘。

湧雪亭

泉源出地底。仰向雲中行。擘崖瀉千丈。亂石皆騰聲。風霆日夜急。雨雪虛空明。不有神物扶。茲山應久傾。噴薄側飛鳥。砰鏗愁百靈。僊家信爲好。喧聒何由平。

三峽橋

兩山東飛橋。下墜不測淵。誰開萬尋鐵。逗此無窮泉。淙淙輓空曲。洶洶投奔川。陽光下照之。忽作龍騰天。常恐桑田變。中有瞿塘船。

麻姑壇

嵯峨僊都觀。遙望丹霞天。後有千歲松。前有百頃田。風日夏颯飄。烟雲晝蔥芊。羣彥一時集。安知非列仙。持觴起相醺。罷琴抗高言。天道信悠邈。人情何拘攣。靈君不可致。落景詎少延。仰雖慙冥冥。俯實憂元元。

主人顧坐客此中可忘年

盧學士奉旨南祀海嶽繇鍾陵相別聞尙宿留會稽有懷奉寄

鍾陵一分手。幾日過錢唐。五日山陰路。千峰海上涼。烟霞含景氣。草木識天香。夙昔經行處。風流轉不忘。

病夜

素壁深窻獨客身。桃枝薑勝只爲鄰。極慙供給煩賢友。尙恐傳聞及老親。養響戒寒相應起。燭花連夜爲誰新。多情造物真豪縱。盡力相驅病與貧。

得程翰林揚州消息

皇明屬休期。側席佇貞良。游鱗旣集藪。鳴鳳亦在岡。君子乘時興。出餞何輝光。車馬寒江介。笳鼓凝羽觴。時秋風雨交。四顧野茫茫。晨鉦激中流。飛旆忽異方。蓄思遵旋軌。浮雲紛北翔。道路間邦畿。草木隕寒霜。晷景倏易流。悲去但徊徨。君懷經綸憂。余負災疾妨。窻沉固異趣。情誼結中腸。居下衆所夷。在賤誰不忘。宛緬廣陵翰。胡獨置我傍。鬱悒增愁思。投袂睇莽蒼。自顧匪茅茹。委跡任空墻。淵淵賢達心。恨恨情內傷。歸故園新居落成後作

又

親老身仍苦。家貧歲更凶。掄材斤斧後。發地草萊中。面勢看前跡。歡呼集衆功。聊存今日意。敢望昔時同。漂轉何多歲。艱難且定居。鄰人供菜果。穉子進詩書。稍覺牛羊遠。兼知蔓草除。此園三百載。亦復返吾初。

山行

稍出羣山復涉溪。溪光山色冷相輝。青裙獨踞溪邊石。不顧行人自濯衣。

寄題馮掾東皋園亭

時雨散繁綠。緒風滿平原。興言慕君子。退食在邱園。出應當世務。入詠幽人言。池流澹無聲。畦蔬蔚蔥芊。高林麗陽景。羣山若浮烟。好鳥應候鳴。新音和且閒。時與文士俱。消搖農圃春。理達自知簡。情忘可避喧。庶云保貞和。歲莫委周旋。

宿梁安峽夢故室有感時還盱江

梁安峽裏杜鵑啼。絕壁蒼蒼北斗低。雲氣倒連山影合。石稜斜鬪浪聲齊。南風盡日迎歸客。落月空江夢故妻。一室十人分數郡。百年幾處候晨雞。

送趙仲遠赴甌寧

仍爲令尹去。如送武夷仙。舊政閩人說。新詩海客傳。度關風撤暑。下瀨月依船。不奪循良意。應知幕府賢。

山莊晚立有懷舍姪沆督樓臨川

蔌蔌黃桑葉。蒼蒼白竹峯。居人爭野碓。歸客背村鐘。路暗緣溪溼。山寒著霧濃。阿咸收稻未。辛苦闕相從。

哭王十良仲

深谷可爲陵。大海可爲田。唯有死者窮。無由覩青天。千古黃壤間。萬古黃泉下。精神與時息。形質隨日化。

日落朝復生。月缺望已盈。不知死者別。何時見形聲。悲哉復悲哉。已矣復已矣。我友初五人。今焉忽成四。死者不復見。生者長別離。人生如春花。美好知幾何。欲爲生者歡。復念死者苦。死生日相尋。歡樂如糞土。

雨述三篇

江南臘月天未雪。居者單衣行苦熱。連山郡邑瘴盡行。豈獨領南與閩越。逋民穰穰度閩山。十人不見一人返。明知地惡去未已。可憐生死相追攀。

又

近聞閩中瘴大作。不問村原與城郭。全家十口一朝空。忍飢種稻無人穫。共言海上列城好。地冷風清若蓬島。不見前年東海頭。一夜潮來跡如埽。

又

冬來一晴四十日。三日南風當有雪。不知閩領今何如。念我故人書斷絕。劍南判官心所親。甌寧大夫政有神。腐儒多事浪憂喜。安得貽書兩故人。

春莫閒居寄城西程漢翁十五韻

迢迢曾城阿峨峨。鳳皇山下有隱淪。士能爲淮漢言。兩日一寓音。五日一承顏。每談經濟事。恆及離亂間。言辭多恍惚。文字少凋殘。不歎東逝川。但憶南山田。寧與無心遊。不受衆目憐。褰衣必峻嶮。散步亦名園。舒卷信在襟。蕭寂固所安。經春館疾痲。撫時增懦孱。羣書亂藥裹。高臥掩荆關。蹇余屬久要。朝詣常莫還。

醜劣愧高情。焉知君所觀。日出衆鳥語。蒼岑滿樓端。申章寫深誼。譏薄何由宣。

長風沙夜泊

長風沙。風沙不斷行人嗟。行人嗟。奈君何。南風正高北風起。大船初灣小船喜。移船更近大船頭。不獨風沙夜可憂。但祝行人好心事。長江何處是安流。茅屋參差數株柳。時平尙置官軍守。青裙老嫗詫鮮魚。白髮殘兵賣私酒。魚賤可買酒可沽。他人心事知如何。

何郎失鏡詞

團團如月不曾虧。家人親置枕中時。朝朝將正頭上幘。時時攜鑷鬢邊絲。古文宛轉何人造。失來始覺今難討。街頭不直半緡錢。古銅終較今銅好。向人不敢再三尋。客裏空疑同舍心。萬里相隨一朝別。夜夜還瞻天上月。

贈青城侯尊師次人韻

聞說名山采藥蹤。多從雲去少人逢。蜀江春老歸難定。燕谷寒來望轉濃。案上僊經新長蠹。匣中雄劍舊降龍。不知少日尋真處。還在青城第幾峯。

贈友

天道有恒運。君子蹈其常。時物自熙洽。庶心亦惟康。鄙人寡慮思。殊氣冒陰陽。霜霰中夏容。焉得不摧傷。先聖有遺訓。血氣戒方剛。懿彼老氏言。舌齒示存亡。反躬實明哲。撫己增忼慷。正德詎云割。率欲乃非祥。

勿謂壘空明。不足輸景光。勿謂徑寸莖。不足載春芳。推餘暨所闕。懷哉安能忘。

曉出順承門有懷太虛

步出城南門。悵望江南路。前日風雪中。故人從此去。

京城閒居雜言八首

都城列萬雉。樓觀切飛霞。太液深蕩潏。廣寒高嵯峨。重譯踰萬國。流聲竟四遐。既寵瑰異才。復保助舊家。忠厚跂行葦。明照徹羲娥。永惟皇上德。世世襲亨嘉。

又

冀北多良馬。漁陽多壯士。馬休伏槽櫪。壯士習農器。桑棗竟中州。朝貢四方至。外無烽燧警。內有耳目寄。消搖放良時。歡樂永不替。

又

濟濟從臣內。赫赫公與侯。伊昔從我皇。守邊瀚海頭。荷戈十餘載。力戰如己憂。寸策無遺用。長智少淹留。勞多必重賞。功大靡輕酬。意氣相傾動。恩深身若浮。天子乘六龍。垂衣臨九州。茅土亘河山。甲第隘莊廬。四海仰光耀。出入擁華騶。富貴欵如此。寵祿信難侔。從軍亦云苦。眷言享斯邱。

又

朝從獵城南。暮從獵城北。白馬喻飛翰。輕裘如膏澤。塵起知獸駭。風高驗鳥疾。隻箭落雙鷺。千金出俄刻。

歸來拜恩寵。樂飲過一石。僮奴增意氣。賓客改顏色。常恐文法士。輕薄多瑕穢。高門臨廣衢。秋風上荆棘。

又

朔土高且厚。民生勁而彊。榆柳雖弱質。生植益繁昌。桃李大於拳。棗栗充餼糧。誰謂苦寒地。百物莫得傷。青青雲夢竹。宿昔傲雪霜。移植於此庭。不如芥與楊。竹性豈有改。繇來非本鄉。

又

眇眇寒門士。客遊燕薊城。上無公卿故。下無舊友朋。裘褐不自蔽。藿食空營營。四顧裁沴餘。但聞號哭聲。日負道德懿。敢懷軒冕榮。節食慎所欲。聊以厚我生。

又

高步覽九州。誰獨無與親。同室不相喻。矧彼途路人。誘誑更驅迫。巧詐日眩真。共美爲善樂。莫知與善鄰。未足保厥躬。已謂貽子孫。一言易爲義。一恩易爲仁。世無管東叟。何以慰心神。

又

哀鷗驚野草。日夜委鮮專。嗟哉白楊樹。高高凌元虛。朝遊車馬中。夕息思故廬。塵今難爲潔。野性非京都。貧賤不自保。焉能戀簪裾。賴有死與生。可齊賢與愚。

去婦詞

江東有一士子。留都下三年。適娶一貴人女爲妻。久乃知其已有妻子矣。一夕逃去。因託去婦爲

之詩。非徒欲傳其事。抑以示風戒云爾。

輕合鮮義終。苟容希禮遇。遠結萬里昏。多爲才名誤。始與君結好。不知君有婦。有女嫁他人。俱懷託遲莫。青青墻下草。生死墻下路。娟娟道傍華。零落無處所。女子失其身。何以保貞素。旣乖百年意。百年誰能度。對鏡空悲惜。中心良難訴。浮萍難爲託。一木無兩附。棄舊屬新歡。新歡漸成故。寧當中路析。莫被他人去。寧老阿母傍。不受他人妬。騰身出房闥。兩絕無復顧。所願嫁他人。甘心西山樹。

四友詩

四友者。廣信王庭銍良仲。臨川李商弼良佐。武昌盧廷鸞子儀。同里熊坦從正也。李亡已七年。餘亦亡二三年。余索居京師。每夕夢寐。與四友相接。傷其皆賢而無壽。又與余篤好。迺作四友詩。一以志余哀。一以槩見其平生云。李得年二十二。盧二十九。熊三十四。王四十有九。

三兄負奇偉。十四已應門。倉卒遭閔凶。盜賊蔽邱原。衰絰從伯父。慷慨安其人。豪橫劇狼虎。瞋目莫敢干。降心相款密。共稱孺子賢。時應州縣役。調笑官長尊。酬接雖靡盬。講習日多聞。激烈忠憤際。委曲禮法間。

時平俗益康。放志農圃言。

有集曰
圃課

浮湖感龍變。

嘗汎彭蠡見龍見遂
肆意墨龍悟解變絕

陟巘思鳶鳶。古笛振哀鐵。清琴繁素絃。每

傷古人逝。迸淚尊酒前。與我初識面。已誓爲弟兄。誰謂天不仁。中路遂離分。寥寥昂山阿。黝黝硯井泉。賓客一以散。託夢與招魂。嘉木不叢生。猶爲造化欺。繁霜凋其葉。震風蕩其枝。利蟲齧其根。飢禽啄其皮。豈

無雨露滋。不得千雲霓。李氏年弱冠。博通三氏詞。援毫捷飛電。吐氣裂豹螭。信如海上潮。直若琴上絲。朗如九秋月。溫比三春暉。志在躋聖賢。寧復顧所私。一悟生滅理。天地忽若遺。

君卒時一日晨輿有數道人叩門謁求作白蓮菴記君授筆而就大爲得

意有頃奄然坐逝父母聞而趨哭之迎謂父母曰某兄弟辛多死生命也勿以爲憂既瞑一道人撫其背曰檀越檀越生好處生好處復瞪目視道人厲聲曰佛法本無生滅遂卒癸卯二月也葬時衆輿出城初不能勝忽輕如羽

顏回蚤聞道短

折非所悲。茫茫後死者。中夜獨漣漣。

又

武昌故舊中。盧生亦奇傑。雄才傲當世。高誼凌白日。貧賤有相知。富貴莫能折。冠蓋如雲霧。而獨與余密。大德七年夏。予有長沙役。臨河與余分。攬袂久嗚咽。知心託生死。誰能此離別。千里竟相從。風波復炎熱。青天入杯酒。歌嘯中夜激。便欲乘滄溟。迢遙送華髮。行行亦云至。終當與君折。捨棹卽長途。惆悵如永訣。謂余平生懷。時俗莫能達。學不追古人。終不願有室。還聞起分教。小邑傍蕭瑟。始爲賢者哀。那知遽淪沒。樊山罷歡讌。赤壁空流月。佇立想音形。音形一何闊。

又

親友日凋謝。况我情所鍾。熊子三十餘。亦在九原中。高才祇促齡。積善適爲凶。天道不可依。人命如飛蓬。夢寐常相見。惘若生相從。亦知心不異。矧復里閭同。始君掾韶學。我心實忡忡。歸來已三年。微疾竟永終。薄祿不救飢。一官非高崇。獨令君子亡。碧血冷秋風。鄰曲恩愛絕。山川談笑空。名家失金匱。樗櫟入公宮。

誰復繼粹溫。徒用想春容。千秋瓘山路。繚繞劍池東。

賦雙陸

三五對參差。高呼得采時。猶疑雙出早。每恨獨歸遲。散地偏難入。全功或誤奇。極知妨日力。聊足審安危。

泊安慶時再北遊

夜泊淮西郡。寒生客子衣。酒家臨岸閉。野燒映江飛。雲盡月初出。潮平風漸微。前年城下路。此際正南歸。

漁父

夫前撒網如飛輪。婦後搖櫂青衣裙。全家託命烟波裏。扁舟爲屋鷗爲鄰。生男已解安貧賤。生女已得供炊爨。天生網罟作田園。不教衣食看人面。男大還娶敵家女。女大還作敵家婦。朝朝骨肉在眼前。年年生計大江邊。更願官中減征賦。有錢沽酒供醉眠。雖無餘羨無不足。何用世上千鍾祿。

高郵城

高郵城。城何長。城上種麥。城下種桑。昔日鐵不如。今爲耕種場。但願千萬年。盡四海外。爲封疆。桑陰陰。麥茫茫。終古不用城與隍。

濟州初度

辭家計日逢初度。遲日暄風在帝京。曉起慈親望天北。行人初泊濟州城。

楊柳青謠

楊柳青青河水黃。河流兩岸葦籬長。河東女嫁河西郎。河西燒燭河東光。日日相迎葦檐下。朝朝相送葦籬傍。河邊病叟長迴首。送兒北去還南走。昨日臨清賣葦回。今日販魚桃花口。連年水旱更無蠶。丁力夫徭百不堪。惟有河邊守墳墓。數株高樹曉相參。

雜詩四首寄彭通復

日月麗中天。列宿爛昭昭。河漢高且深。烏鵲以爲橋。寒霜昨夜降。時菊委嘉苗。地勢西北雄。終歲皆風飄。元工宰萬物。時至有榮消。常恐光景馳。不得與消搖。

又

區區九州內。橫從數千里。誰設山與河。愚者分表裏。京師天下本。萬國赴如水。珠犀從南來。狗馬絳西止。浩浩荆吳船。日夜行不已。生材無定所。一物孰非已。皇天仁且廣。君道亦如此。我思古唐虞。當日誰共理。

又

巢由伏箕穎。園綺居商顏。洗耳甘自潔。茹芝竟不還。三傑足爲理。五臣安可攀。高尚誠所貴。孔轍奚獨環。吾聞有隱淪。多在衡霍間。飯牛腹長飢。百結淒以寒。懷寶羞自獻。邈然老空山。

又

脈脈我所思。彭氏躡遐踪。婉婉若處子。未曾出房櫳。相望四千里。踰年關相從。五月君寄書。九月達京中。我書欲報君。書到歲已窮。豈不懷繇繇。無繇覲君容。參差天際雲。縹緲乘朔風。羽翼不吾施。翩彼南飛鴻。

君有高世行。我無適時功。天命人得違。出處諒非同。

柏堂詩

柏堂爲劉母熊夫人作也。夫人有淑德。年二十五而寡。守志不嫁。有子曰觀。又賢。作堂以奉其母。請名於太史氏。謂之柏堂。而作是頌。

鬱彼北堂。言樹其柏。其柏嶷嶷。維木之特。柏之始生。于彼高陵。雨露其凝。金石其貞。柏之旣成。鳳臆鸞膺。言樹斯庭。霜雪是憑。雪霜浩浩。其柏矯矯。有美君子。而弗偕老。其葉欒欒。其節桓桓。其居安安。永世式觀。我堂旣構。我柏旣茂。天錫眉壽。保艾爾後。

揭曼碩詩集卷二

獻張平章

天歷肇元朔。坤輿集皇靈。汴蔡旣榛夷。南海淪炎精。圖書入天府。將帥功業成。寶玉被親懿。茅土別公卿。庶類奮休祥。羣賢基太平。明公紹鴻烈。文采敵華聲。出入三十年。惕然心靡寧。論兵體安危。攬轡思澄清。矧宅股肱地。夙夜在王庭。名高德益難。位隆責匪輕。聖心誠宏裕。臣節美戰兢。唐虞登夔皋。堯舜猶日升。周召竭師保。成康措王刑。昌明願同濟。援筆播芳馨。

題祝道士龍虎山先天觀圖

聞說先天觀。重重絕壁環。鳥啼青澗裏。花落白雲間。樵子能長嘯。居人識大還。洞門無處認。唯有水潺湲。

二貞詩

關右有姬氏者。父子皆蚤世。姑趙婦張。皆以年二十五而寡。守節不嫁。作二貞詩。

關右有姬氏。父子蚤棄捐。孀婦奉寡姑。誓死各芳年。膏沐誰復理。羅襦委篋間。辛苦事蠶織。祭祀亦靡愆。父母旣莫奪。媒妁徒空言。鳧雁安所施。幣玉視如烟。寧與枯瘞沒。不爲歡樂存。婉婉桃李花。春鳥何翩翩。萬物各知時。姑婦獨壘然。

史館獨坐

地。夏。天。逾。近。風。高。午。尚。寒。虛。庭。松。子。落。歌。檻。菊。花。乾。撫。卷。俱。千。古。憂。時。有。萬。端。寂。寥。麟。父。筆。才。薄。欲。辭。官。

周待制致樂堂詩

有。堂。渠。渠。在。番。之。區。維。周。壽。母。式。燕。以。娛。渠。渠。有。堂。在。番。之。陽。維。周。壽。母。式。燕。以。康。斯。堂。何。有。有。蘭。有。芷。垂。佩。棠。棠。維。周。之。子。斯。堂。何。有。有。蘭。有。蓀。垂。佩。申。申。維。周。之。孫。曰。烝。曰。嘗。孔。時。且。具。維。甘。維。旨。承。于。壽。母。母。曰。寧。只。福。祿。凝。只。升。斯。堂。只。我。心。平。只。母。曰。嘉。只。福。祿。遐。只。升。斯。堂。只。我。心。和。只。

馬氏巖溪圖

何。處。幽。巖。下。復。有。清。溪。瀉。霧。氣。散。長。林。湍。聲。落。平。野。石。宜。白。鳥。息。樹。想。元。猿。把。誰。獨。此。安。居。居。人。云。姓。馬。

山水圖

幽。人。無。世。事。高。臥。謝。浮。名。山。岫。晴。時。出。溪。流。盡。處。行。還。聞。有。漁。釣。相。問。扣。柴。荆。不。掃。門。前。路。莓。苔。滿。地。生。

送道士薛元卿歸江東

知。君。此。去。漸。難。招。只。在。人。間。已。廓。寥。市。上。有。時。逢。賣。藥。山。頭。何。處。覓。吹。簫。仙。巖。華。落。溪。流。滿。鬼。谷。雲。開。對。影。遙。未。必。故。山。安。隱。逸。海。天。涼。月。夜。蕭。蕭。

大明殿退朝和周待制

巍。巍。道。德。拱。羲。皇。濟。濟。威。儀。陋。漢。光。日。射。龍。文。宮。女。扇。風。傳。雞。舌。侍。臣。香。中。霄。景。氣。浮。雙。闕。下。界。歡。謠。動。

八荒詞館小臣何以報。皇圖聖壽與天長。

祖生詩

浦城孝子身姓祖。自憐性命如糞土。生纔五歲遭亂離。有母更被官軍虜。零丁二十八春秋。母縱得生何處求。天地茫茫明月恨。江山漠漠白雲愁。忽得母書驚母在。看書未盡淚先流。書云流落河南縣。河南踞遍無由見。唐州境上忽相逢。白髮蕭蕭霜滿面。誰知喜極情轉悲。旁人更問初別時。千生萬死到今日。始爲母子東南歸。東南迢遞閩山路。入門猶記階前樹。居人傳說盡相看。雞黍提攜竟朝暮。祖生母子真可憐。少壯離別老大還。同時鄉井被兵者。幾人骨肉能生全。願生母子長壽考。四海升平永相保。

孤雌行爲郾城節婦作

有鳥有鳥雌雄相追。哺雛未飽鳴且飛。雛未長。雄乃死。子亦隨。朝朝暮暮唯孤雌。長林廣野風日美。步步不敢離故棲。燕雀搖颺差復池。迴身側腦遞相欺。誰憐孤雌。心到死。終不移。更有許州郾城徐氏母。一生抱恨守空閨。

燕氏救兄書

千金之子不死市。楚人竟殺陶朱子。生者可殺死可生。千金爲重骨肉輕。誰謂平陽有燕氏。傾家乃出而兄死。弟再有兄兄見弟。里閭驚嗟官吏喜。嗚呼安得天下之吏廉。且循庶政如水無冤民。

送華尊師以天壽節奉詔祀武當

靈時嚴漢祠。神峯標楚甸。羽人丹丘伯。承詔馳嘉薦。華渚耀玉虹。條風舞元燕。長淮雨中瀉。喬嶽雲間獻。涉旬歷峻阨。梯空答宏願。授簡香始升。揭虔帝如眷。天清翼軫動。地肅元武見。飛響迴更聞。奇祥靜逾絢。是中有真侶。蚤接諸方援。胼胝負畚鍤。鑿翠蓄雷電。金芝產齋房。喬雲冠巖殿。祈禱無歲年。會節方紛衍。既協時君降。又樂明祀徧。聖歷齊堪輿。豐澤周寓縣。還歸報天子。獨往奚所羨。眞侶謂張眞人有道行。

送馬雍古御史撫諭河西

我皇屬憂顧。君子得安居。孟春風且寒。遺子以修途。四牡何翩翩。迴首睇神都。我懷正紆鬱。殺函忽已踰。積雪被長巒。萎者何時蘇。巋彼蓮花峯。上出浮雲衢。白日曠以縣。下視若元墟。煙塵起西北。原野無定株。行者中顧懷。居者念其廬。黃河洶東流。乃自崑崙渠。四海豈不曠。切若肌與膚。親賢遠讒人。古以致康娛。君子誠多材。乃用在馳驅。秦隴阻關塞。歲月浩已徂。鞠躬盡明義。足爲世所模。

送周山人之遼東

物變風已暄。庭虛雪猶在。每與君子違。偏驚歲年改。名山先夢到。靈藥隨方采。明日望行人。雲槎隔遼海。

李宮人琵琶引

鄂縣亢主簿。言有李宮人者。善琵琶。至元十九年。以良家子入宮。得幸上。比之昭君。至大中入事。興聖宮。比以足疾。乃得賜歸侍母。給內俸如故。因亢且乞詩于余。遂作李宮人琵琶引。其辭曰。

茫茫青塚春風裏。歲歲春風吹不起。傳得琵琶馬上聲。古今只有王與李。李氏昔在至元中。少小辭家來入宮。一見世皇稱藝絕。珠歌翠舞忽如空。君王豈爲紅顏惜。自是衆人彈不得。玉觴未舉樂未停。一曲便覺千金直。廣寒殿裏月流輝。太液池頭花發時。舊曲半存猶解譜。新聲萬變總相宜。三十六年如一日。長得君王賜顏色。形容漸改病相尋。獨抱琵琶空歎息。興聖宮中愛更深。承恩始得遂歸心。時時尙被宮中召。強理琵琶絃上音。琵琶轉調聲轉澁。堂上慈親還佇立。回看舊賜滿床頭。落花飛絮春風急。

題上都崇真宮陳真人屋壁李學士所畫墨竹走筆作

玉京灤水上。仙館白雲鄉。虛壁數竿竹。清風生滿堂。微吟弄寒影。靜坐佇幽香。有客仍無事。澹然方兩忘。

集賢大學士趙國公王開府慶八十應制

昭代雍熙日。詞林賦頌時。紫宸丹詔出。甲第五雲垂。裕廟青宮裏。王公玉樹枝。朝趨倍綺角。夕侍接龍夔。際會真難及。飛騰已在茲。暴公初繡斧。方叔更藩維。霜簡驚風采。天官肅羽儀。還迎代邸人。竟被漢文知。位望躋三少。權衡俯百司。每蒙天黼黻。直許國蒼龜。鳳斂廣寒殿。龍舟太液池。羽觴春侍宴。玉座夜觀碁。德業前賢繼。辭華後進推。高情希廣受。餘事擬徵珪。全道山河富。瀛洲日月遲。九卿看綵服。八表表龐眉。皇覽逢初度。殊恩介壽祺。黃封中使出。玉食尙饜移。國老陳嘉慶。

李韓公作序

羣工播盛辭。禮非前代有。施及

老臣宜。福祿何人竝。忠貞百歲期。聖心誠念舊。政用作臣規。

陵陽車景陽。以名祖父之子孫。負奇材勁氣。而與世抹殺。自合州教授。入掾翰林。一語不合。竟棄不顧。以詩爲別。

奇璞別之媒。娥眉妬之具。悄悄君子心。皇皇百王度。高風集大木。日夜如吼怒。不畏枝葉殘。但恐本根蠹。曉登崇臺上。天地一何巨。白日光未吐。羣星爛無數。仙人五雲車。縹緲玉清路。區區陰陽忠。可望那可遇。忽聞金鑾客。歲暮仍南去。不得與之同。頓足毛髮豎。

結羊腸詞

正月十六好風光。京師女兒結羊腸。焚香再拜禮神畢。剪紙九道尺許長。撚成對綰雙雙結。心有所祈口難說。爲輪爲鏡恆苦多。忽作羊腸心自別。鄰家女兒聞總至。未辦吉凶憂且畏。須臾結罷起送神。滿座慚忻雜顛顛。但願年年逢此日。兒結羊腸神降吉。

劉承旨父大司徒邢國公慶九十應制

聖主尊賢遂及親。邢公盛事更無倫。身躋九袞瞳方碧。兒過耆年鬢未銀。鳩杖乍頒寧畏噎。龍章洵拜欲忘身。上公建土山河富。光祿分壺雨露頻。析木天清雲五色。梁園花發月重輪。

錫宴梁氏園

三宮寵錫驚殊數。

四座稱觴半老臣。瑞錦爛熳迎化日。兼金條脫照芳春。素烟冉冉晴熏上。白雪冷冷豔曲新。先世勳庸歸琬琰。名家父子映冠紳。三槐已驗移居日。五柳翻如寄傲人。澗底桃花曾閱世。枕中鴻寶自頤神。詞臣欲

繼莊生作才薄何堪論大椿。

小孤山次韻

小孤山前一迴盼。蒼然始識孤山面。隔江疊嶂開翠屏。絕壁浮雲飄素練。憶昔初蒙翰林聘。艤棹探奇不知倦。捫蘿涉級至絕頂。目極神開氣爲變。大江東匯彭蠡來。晝夜崩騰轟海甸。笳鼓遙聞日月動。帆檣忽度乾坤轉。舟人不識造物奇。但趣急趁南風便。蚤悟微官七載縛。底用區區厭貧賤。深窻冷壁守編摩。何異揚雄困雕篆。重來勝地歲云暮。短景催人疾于箭。天昏一火明山半。石底猶疑有雷電。彭郎磯下寒浪湧。坐客正說龍君傳。人生可喜還可憐。世事堪違不堪戀。明朝匡廬復入眼。雖有此境何由羨。武城先生獨好事。名山每恨遊難徧。豐城客子無一錢。但當作詩乞如願。

贈別曾編修歸廬陵葬學士兄

孟冬涼風厲。謁告歸廬陵。阿兄在九原。歲暮豈遑寧。兄昔事武皇。海內希英聲。意氣動人主。文采何從橫。時事一朝異。長揖去躬耕。令弟紹芳猷。策足在承明。如何奄忽間。南北隔死生。方舟發京國。日落烟霧青。萬感緣中來。惕焉如有懲。羈臣戀魏闕。一夕魂九升。君子恩義重。況此骨肉情。情深不可忘。悠悠道路長。山川日夕改。我行殊未央。稍出燕冀都。已涉齊魯疆。高天圍四野。悵望但茫茫。道傍多古墳。塋域遞相當。荒草吹北風。日夕下牛羊。不知何代人。于此閔興亡。自古既有死。誰獨免摧傷。死者雖所同。私懷詎能已。塗路猶感傷。況我兄與弟。世俗日衰謝。常懼莫能起。生者忽若遺。誰復哀其死。念昔賢哲人。一一去爲鬼。

詩書捐篋笥。采采常路子。採藻廁明庭。幸與君子同。矧在弱冠年。已獲承其風。家本聖門後。孝友世所隆。何意手足親。一別曠音容。及我南歸日。舟楫復相從。皦皦寒日高。冥冥厲征鴻。落帆滄江際。渺然忽西東。努力慎所託。無爲謾勞躬。

寄題臨川西礪范氏寓居

蟾塘塘更西。幽澗總堪題。流水花間住。孤禽竹裏啼。石稜苔自合。山徑樹相齊。久客成真隱。故園應已迷。

尋舍弟將至東牢宿野店

歲暮尋吾弟。山行兩舍餘。入雲攀磴道。落日及村墟。茅店溪邊冷。松林石上疎。如逢武陵客。風景未應殊。

贈王郎

王郎楚狂士。意氣飛秋霜。讀書一萬卷。下筆數千行。富貴視浮雲。况肯矜文章。十五恥閭里。掉臂辭故鄉。夜宿東海月。朝買西州航。瞋目王公前。結客少年場。一飲或一石。一醉成一觴。寧揖屠狗人。不與俗士當。千金不易笑。歲暮單衣裳。阮籍在窮途。英聲連四方。鸞鶴有時鍛。反愧燕雀翔。世無劇孟交。不及青樓倡。燕趙如花人。翠袂黃金璫。不識豪俊士。空媚癡與狂。王郎遠過我。坐我枯藜床。終夕無酒飲。撫脾歌慨慷。平明別我去。極目空茫茫。

沈逸人東觀招飲山館

野館青山下。晴軒積雨餘。招尋蒙遠客。寂寞愧閒居。空翠沾盃冷。殘雲度谷虛。從茲結朋好。隨處問何如。

畫鴨

春草細還生。春雛養漸成。茸茸毛色起。應解自呼名。

題聶氏陶軒

開軒南山下。日對南山雲。青松俯前楹。秋菊被中園。翳翳修竹林。清泉出其間。歲晏農務息。御盃樂餘閒。時從鄰曲游。共稱稼穡難。達人貴知己。俗士多所牽。以茲謝簪紱。委心此南軒。列植旣敷榮。佳興日以繁。讀書教兒子。餘事焉足言。

送涂雲章訪舊武昌卻入京師

垂雲厲驚風。萬里摩高圓。蟠泥鼓巨浪。豈顧九重淵。毛生入楚庭。穎脫俄頃間。粲粲一公子。長嘯起邱樊。朝辭豫章臺。暮過匡廬山。大帆割鸚鵡。極目空波瀾。黃鵠錦袍仙。吹笙紫霞端。相顧一笑粲。青春滿南天。黃金築高臺。更覺郭隗賢。聯翩樂劇輩。相逐入幽燕。平明九門開。劍佩踰五千。豈無一字薦。傾倒平生言。東風杏花開。待我薊門前。

歸舟

汀洲春草徧。風雨獨歸時。大舸中流下。青山兩岸移。鴉啼木郎廟。人祭水神祠。波浪爭掀舞。艱難久自知。小孤山曉發。和蔡思敬韻。

日落霞明錦浪翻。匡傾石峭白雲間。乾坤上下雄孤柱。瓜蜀東南壯此關。神物夜移風動地。仙舟曉度月

漫山回瞻絕頂登臨處。空翠冥濛杳靄間。

大信晚泊呈舟中諸公

千家楊柳江常門。東梁西梁兩岸蹲。連橋大艦集日昏。櫂金伐鼓海上聞。小江更出采石後。前人立功後人守。大信花采石酒陌上相逢莫迴首。

白楊河看月

白楊河上看明月。昔人曾見今人別。茅屋數家河上村。化作三山白銀闕。波平風靜棹歌來。萬頃沖融鏡面開。今夜江南憶遊子。空瞻雲漢上昭回。茫茫萬里燕齊路。北斗從橫秦階曙。黃河東逝月西流。明日南風過淇去。

歌風臺和李提舉韻

萬乘東歸火德開。漢皇曾此宴高臺。沛中父老謳歌入。海內英雄倒載回。湯沐空餘清泗在。風雲猶是翠華來。穹碑立斷蒼烟上。靜閱人間幾劫灰。

題嚴陵獨釣圖

何事元鍾入里閭。羊裘暫脫就安車。空令太史驚同寢。猶把狂奴視報書。一出聊爲天子重。諸公莫道故人疎。朝廷自足中興士。且放桐江著老叟。

題鼯鼠食瓜圖

種瓜中園。子亦勤止。瓜長而實。汝則殘止。雖則殘止。子敢汝仇。天實汝生。子將何仇。汝食之甘。既肆既閑。實之食矣。無傷子根。根存而微。惟子之窮。根盛而實。惟乃之功。

坐信州僊源觀徐尊師乃元教大宗師張開府之弟子也

元霜搗罷世都遺。葛屨蕉衫太古姿。天上真人開府日。山中僊子閉門時。空林雨過金芝老。深谷雲寒白鶴飢。萬里馳書爲永別。盧敖何處定相期。

送蔡思敬還豫章有懷遼陽李提舉

來日能同去不同。獨攜別恨向秋風。眼看亂葉渾無定。心與浮雲併一空。黃獨山中歸自斲。玉梅溪上夢先通。莫嗤留滯京華者。更有遼陽送斷鴻。

孔林圖詩

集賢待制周侯能修禮于孔林。侍讀學士商公圖之。史官揭傒斯詩之。

峨峨尼山。蔽于魯邦。篤生聖人。維民之綱。尼山之下。有洙有泗。有蔚孔林。在泗之涘。維彼聖人。教之誘之。凡厥有民。則而傲之。維彼聖人。覆之載之。凡厥有民。敬而愛之。既誦其言。亦被其服。孰秣其馬。于林之側。既誦其言。亦履其武。孰秣其馬。于林之下。六轡既同。周侯之東。薦之侑之。聖人之宮。其音洋洋。其趨踰踰。其臨皇皇。聖人允臧。商氏圖之。式昭其敬。載瞻載思。罔不由聖。

燾樸山詩一首爲吳真人生朝作燾樸山其里山名

峨峨壽櫟山。瀕洞雲錦溪。百里空翠合。諸峰南斗齊。臥斲月窟桂。坐聽搏桑雞。臨深測地軸。升高徑天倪。陰厓覆瓊蘂。陽岡敷紫蕤。縣泉聒空響。飛樹凌風嘶。側畏援鳥墮。幽恐漁人迷。茲山不自高。與人作丹梯。赤松棲其東。王喬憩其西。浮邱前捧擁。安期後提攜。神君領天官。出入黃金閨。梅花照羽袂。天書函紫泥。歸期指松櫟。千歲猶未稽。餐和養靈源。伏智掃荒蹊。木公與金母。大笑彭鏗低。

壽王副樞

七裘懸車兩府稀。五朝遺老百僚師。寒梅看足行吟處。舊史評來坐歎時。身退已將心共遠。名高轉覺世堪遺。且陪嘉客霑春酒。政待武公歌抑詩。

李將軍歌一首送李天民赴邵武軍口巡檢

李將軍材且武。儒冠換得兜鍪去。身疑南極老人星。氣食陰山雪毛虎。雕弧白馬金僕姑。天地昂昂此丈夫。五十方爲求盜使。人生何用苦詩書。寄言邵武諸官長。不是尋常一腐儒。

時中書以吏部儒選員。多有十年不得調者。奏以爲閩廣諸道巡檢。然多

非其人。而天民式稱是選。老人星。其常自喻。

題桃源圖

江左龍虎山。南十里有桃源者。劉王二尊師所闢也。臨江范亨父爲之記。余爲賦五言詩十七韻。桃源非一處。龍虎畫難同。內外關踰鐵。高低石作叢。黃旛青劍北。紫蓋白雲東。蟾影當霄迴。蛾眉抱月弓。

六峯
名

千重藏曲折。四面削虛空。地戶吟風黑。天池浴日紅。雪霜翻濺瀑。雷雨瀉崩洪。暗識猿啼遠。晴聞鳥語工。危龕三井祕。絕澗九橋通。江合仙巖怒。山連鬼谷雄。劉王開闢後。秦晉有無中。時見看桃侶。頻逢採藥翁。丹臺寒漠漠。琳宇氣熊熊。濟勝非無具。緣源恐莫窮。烟霞俄變滅。草樹杳龍葱。四序何勞誌。羣愚倘擊蒙。誰言武陵近。十里上清宮。

送人歸豫章

積雨霽徂夏。故人今日歸。手持毛生檄。身着萊公衣。玉樹挂秋月。丹萸揚曉暉。東湖徐孺子。應怪久相違。

送王留守宣慰荆湖

舟楫連橋出。薊邱弓刀千騎入。荆州歌翻郢雪寒。暄變恩逐岷波日夜流。雲雨暝連神女宅。山川晴繞仲宣樓。豈無賢士堪招隱。應向鹿門深處求。

題張尊師畫

晨登翠微。天氣穆清。白雲覆谷。飛露垂纓。孤猿遠響。衆鳥嚶鳴。牽蘿涉澗。穿石度陁。半巖華氣。萬壑松聲。神宮漠漠。靈戶熒熒。投陰迹影。叩寂求騰。素髮老人。笑而相迎。弗問弗承。悟彼長生。元玉流液。瑤草結英。浩浩奔泉。出與川平。宛彼下人。望我巖扃。

送播州楊宣慰歸藩

祇奉綸言出夜郎。恭陳壤奠入明光。嘉名宣賜黃麾外。大宴恩陪玉座傍。天仗影移低日月。宮懸聲動下鸞皇。三呼拜舞君王德。永共藩臣守四方。

又

雙旌遙指洞庭西。十乘聯翩度五溪。龍虎親軍兼使節。犬狼諸獠入封提。光昭廟祐恩波遠。風動藩維禮秩躋。北望五雲高魏闕。亦知憂顧在黔黎。

寄題括蒼王氏東野二亭

畊雨

時雨布嘉澤。羣物盡欣豫。晨興集童僕。東野從所務。鵠鷓應候鳴。鷓黃翔高樹。衆草萎以出。流潦被行路。黽勉勤微躬。寧復常世慮。義農不我侍。沮溺諸所慕。食力隨齊民。常恐負空素。眷言徇茲道。卒此年歲莫。

心遠

窮居豈余志。無營得長閒。翳翳三畝宅。顧樂彼南山。灌木何蒼蒼。雲鳥相往還。已絕嬰世念。況接仁里歡。但願黍稷登。春酒恆慰顏。義和緩其轡。萬物悠然安。

寒夜作

疎星凍霜空。流月濕林薄。虛館人不眠。時聞一葉落。

送唐尊師祠武當

龍袞分香下絳霄。羽衣承詔出清朝。星臨翼軫南垂闕。神降虛危北極遙。金殿壓雲開紫氣。玉臺和月合笙簫。蕃釐更爲吾皇祝。下國時豐雨露饒。

送詹尊師歸廬山

香爐峯色紫生烟。一入京華路杳然。雲碓秋閒春藥水。雨犁春臥種芝田。書憑海鶴來時寄。劍自潭蛟去後懸。忽報歸期驚倦客。獨淹微祿負中年。

贈淳真子

蕩蕩白玉京。超超淳真子。十一求神仙。服事邱與李。嵩洛二十載。結茅白雲裏。餐是暘谷霞。飲是玉池水。鬼神莫能識。百念吹不起。一朝忽騰化。徑去不可遮。飛駟服五龍。角巾搖三花。朝發扶桑國。暮宿河漢槎。朝食千歲桃。暮食五色瓜。長揖青牛君。高歌渡流沙。還憩金陵邸。調笑許史家。日食五侯鯖。安得厭胡麻。春風長安陌。落日邯鄲道。迎人上青天。送人入秋草。竦身八極外。天地忽亦老。寄謝區中人。全真以爲寶。

孤松篇壽王大學士

大地凍欲裂。孤松高穆清。橫睨泰華嵩。俯察蓬瀛瀛。天風四浩蕩。身與元氣并。根深本自固。霜雪空崢嶸。白晝甘露降。半夜朝陽升。飛枝蔭扶桑。勁氣摩樓搶。羣鳳所託命。百鳥徒嘲鳴。冥冥廣寒宮。丹桂亦虛生。八萬四千人。何時月常盈。維此天一柱。千歲所養成。自非堯舜君。工垂焉敢徵。漢武作建章。千門照西京。掄材當此時。餘柯了棟楹。天地既有此。未必終無情。蒼蒼歲寒心。永世仰堅貞。

過何得之先生故居 五首

可憐古井門外。依舊鐘樓屋西。何處高唵痛飲。黃華翠竹都迷。
先生有詩云。一井當門凍。寒光照四鄰。又我住東街北。鐘樓在屋西。

又

心事巢由以上。文章陶阮之間。千古高墳保下。白雲明月青山。

又

軋軋機聲日莫。依依楊柳春柔。膝下中郎小女。曾聽唱我高郵。
先生常喜余高郵城詩。相見即呼高郵城來。每相對酒酣。則朗誦數過。

又

頭上烏紗分贈。篋中縞楮相酬。不道別時長別。誰知愁是真愁。
延祐五年冬十月。余南歸。以巾材一段見贈。予以白楮被報之。別時殊黯然也。且手書其三代名字授予。若有

所屬然也。

又

屋上青天未老。門前白日常新。他日咎夔稷卨。安知不是斯人。

送譚仲章歸長沙

君家雲陽下。忽向雲陽歸。行路有南北。看山無是非。三湘迴雁盡。孤劍白虹飛。亦欲投簪去。從君采薜薇。

我我亭詩

殷仲堪答桓溫曰。我與我周旋久。寧作我宜春。黃元瑜取以名其亭。曰我我。爲賦詩一首。

我游于袁。于龍之干。有闕閑閑。有環言言。有構桓桓。維集之安。我居我處。我笑我語。有翼其所。而敢于侮。我植孔嘉。我構孔華。曾莫之迎。而莫我多。彼馳者子。亦孔勞矣。旣我覲矣。亦莫我速矣。嗟殷氏之老。猶弗桓。是友我。不我友。將誰歸咎。溫溫其和。瀏瀏其請。藹藹其芳。煥煥其明。嗟維古之人。尙或予聽。

送鄭司獄歸衢州卻赴調京師

壯年執戟事明君。一日上書天下聞。不恨棲遲百僚底。猶堪激烈萬人羣。爛柯山遠迴孤棹。析木天清望五雲。盡說于公有陰德。掉頭相別大江濱。

題山水

野艇來無數。山橋度有三。寒雲依古寺。落木帶羸驂。迴首重重變。幽尋處處堪。平生雙眼力。江北復江南。

題御馬圖

朱纓金絡轡。黃帕錦鞍韉。神閑意更逸。初下赤墀前。

題山暉圖爲劉尊師作

陵岑毓神秀。草木咸光晶。每覽靈景異。變態如有情。閃掩乍如霧。飄浮忽相縈。熊熊轉空曲。奕奕連增城。中有幽人居。燕坐朝玉京。窮陰亦朝徹。無月恆夜明。碧桃千歲花。金芝四時榮。猶疑地愛寶。隨物弄華英。

題臨江同知問流民事蹟

江北流民七十口。三十餘年在江表。朋凶結惡四百餘。白刃差差歷村保。崩騰所向如投空。白晝攫金都市中。頃由南昌入豐邑。反略守者爲先容。長官坐堂寇入室。妻子莫逃況金帛。豈無鄉民敢相敵。長官一揮翻辟易。臨江貳守廉且武。手縛其渠散其伍。豈惟鄉民得安堵。鄰境聞之皆鼓舞。其渠在獄伍放歸。大府上功民俗熙。乃知一念敬厥職。萬事至難皆可爲。人民社稷我所有。安得坐視如雞狗。人在雞狗猶愛之。民社豈在雞狗後。請君看取臨江守。

寄題朱氏真村堂

深居魏亭北。惻愍自無華。風俗似太古。生涯如小家。飲醇猶恐過。衣帛尙疑奢。相與鄰人異。詩書有五車。送人從軍

妙年好文仍好武。一旦從軍氣如虎。彎弓已作滿月圓。拔劍更逐迴風舞。悲笳四起旌旆愁。蒼山偃蹇黃雲浮。陣前手繫降王頸。馬上仍懸猛將頭。復誓義大身命小。順天將軍古來少。一戰功成六合清。不用黃金印如斗。

題淵明歸去來圖

清江皮使君治南恩。有惠政。一日自免去而歸老焉。廬陵王實初賞其高節。以淵明歸去來圖求中朝學士大夫賦詩。還以爲壽。僕用其意。賦五言一首。

吏事久見牽。山澤曠游盤。茲辰理還策。乃得從所歡。悠悠川塗迴。忽已造郊園。風景一不異。鄰曲皆奮觀。童稚識人情。奔走向我前。荒草雖誕漫。松菊了不干。睠焉循初服。常恐負昔言。入室多美酒。步庭嘉樹繁。曠然心神舒。誰謂世路艱。出處各有道。既倦當知還。方春農事興。念之每忘餐。貴賤豈不殊。樂此農圃安。堯舜垂衣裳。巢許箕穎間。漢祖除暴秦。黃綺在商顏。彼皆賢達士。今古胡不然。永與簪組辭。婆娑養餘年。昔聞陶彭澤。今見皮南恩。千歲仰高軌。茲圖良足歎。

揭曼碩詩集卷二

題明皇出遊圖應制

明皇八駿爭馳道。還是開元是天寶。長安花發萬年枝。不識韶華醉中老。奎章閣下文書靜。袞衣高拱唐虞聖。莫言此畫徒爾爲。千載君王作金鏡。

送孔學文赴大庾巡檢

三孔諸孫紫綺袍。俄辭俎豆事弓刀。舟行揚子金山淺。路入梅華庾領高。正爲凶年憂盜賊。仍嗟微祿誤英髦。乘田委吏唯求稱。一命猶堪愧彼曹。

送李都事赴湖廣省幕

堂堂李通甫。起家掌邦憲。直氣橫九秋。神明激雷電。再登蘭臺上。愛國心靡轉。時當至治末。有位日兢戰。崩騰五華山。鑿翠起臺殿。執筆佐御史。力諫明且辨。斧質已在前。獨立目不眴。駸尋國多故。災異周八埏。君復贊宣政。赤手握銓選。守法踰天官。反得官長怨。我皇奮江漢。撥亂啓天眷。乾坤再開闢。日月重昭綸。磊落收羣材。疎戚共登薦。君名一朝起。亦作丞相掾。丹心益傾竭。婉畫勤替獻。好惡古難同。禍福巧相禪。天子憂南紀。藩宣必時彥。下逮曹屬微。簡選亦精練。君得南省佐。聞省盡驚羨。傴僂辭闕庭。飄搖出畿甸。

餽送盈路衢。懇款陳志願。去年天下旱。窮蹙無貴賤。賑卹當及時。本末須竝見。方春農事興。不廢乃爲善。又聞南中賊。憑陵及州縣。黎獠本吾民。撫綏在方面。恩信足以懷。逼迫使生變。況我聖天子。轍迹昔所徧。勗哉籌策良。無使空蹂踐。京城雨初過。草樹鬱蔥蒨。喬木多蚤鷲。高堂有新燕。煩辭君勿誚。君歌我其抃。

畫鷹

文梁五色條。秋高意氣豪。怒張兩目直霄漢。豈與矧翮翔蓬蒿。妖狐畫作猛虎嗥。騶虞并與神麟逃。嗟爾飽食心空勞。

題張使君棄官學道詩卷

至元天子朝萬國。任邱使君謝病歸。門前未罷車馬客。身上已著朝真衣。致君堯舜在豪傑。洗耳巢由何是非。棲雲觀裏青松樹。唯有白雲終日飛。

送戶曹掾于孔昭赴南臺掾

于君高材世難遇。東曹未滿南臺去。風雲在足那得辭。天地生人豈無故。乃翁十年佐臺省。一心用法惟平恕。君今豈必求多聞。過庭一一皆可度。南臺所臨十憲府。可詰寧惟在賊汙。五方之俗有淳漓。萬事無憑生愛惡。莫令水鏡惑妍醜。長使陽春伏霜露。扶綱樹紀須自治。護惡含姦適爲蠹。況當海內歲大侵。父子相殘莫之顧。郡縣非無賢守宰。貪卽爲能廉卽妒。願君弩力事匡贊。臺端鶚立皆碩輔。多言欲悔已莫追。白髮蕭蕭歲年暮。

寄題胡氏園趣亭

日與世情遠。學人聊治生。畦蔬多品類。樹果各生成。野老過偏數。山禽近不驚。詩書吾所好。農圃也須明。

題文瑞圖

常德之龍陽。居多蜀士祠。事梓潼君甚嚴。祠前有池曰景星。咸淳癸酉。蓮兩葉竝蒂者六。劉初登進士第。延祐甲寅。兩花竝蒂。孫以忠登第。天曆己巳。華如甲寅。城東三雅湖。蓮復三華竝蒂。海魯丁獲獨步。丁馮天澤。聯貢而獲獨步。丁登第。好事者寫以爲圖。邀余賦詩。

蓮華復蓮葉。竝蒂更連莖。竝葉已不見。三花兩花更有情。如何與人作佳瑞。偏向龍陽水底生。龍陽家事梓潼君。華華葉葉梓潼神。好語龍陽士。汝但讀書更續文。爲華爲葉汝莫論。

題南頓孔氏復明詩卷

失明非有故。復明還自然。方其失明時。萬事俱棄捐。外雖無所睹。內則常淵淵。如未嘗有目。不喜亦不憐。如明入地中。明未嘗不全。逍遙天地內。如在天地先。不助亦不忘。一氣自周旋。不敢計此生。敢計時序遷。剝乃復之始。自坤還至乾。忽如浮雲散。還我蒼蒼天。昔非果失之。今亦固有焉。如何孔氏家。母子仁且賢。先後俱失明。其復皆十年。十者數之終。如月晦必圓。養之苟有道。何疾非所痊。願言永保之。毋或忽此篇。

奉同柯博士甘內掾下直賦

暮出闔闔門。解鞍坐前庭。泠泠草露白。華月隔林生。蟀蟋奮哀響。鴻雁流遺聲。常恐芳景晏。不知寒節并。

萬物肅將斂。孤懷徒自盈。捉衿激長謠。淒烟諒難聽。

賦得海上雲送良上人歸徑山

蕩蕩無邊涯。悠悠何所之。孤飛若有意。羣往更無疑。稍拂搏桑樹。還經若木枝。迎陽成五色。乘陰忽四垂。作態離仍合。多情去卻追。因風過別島。和月下蓬池。且任從龍去。寧知到岸時。惟應學空者。澹泊與相期。

吳子高悼亡歸岳陽

都門落葉滿。遊子去京畿。忍聽離鸞操。遙逐秋鴻飛。愁霜曉入鏡。淚雨夕沾衣。烟樹黃河岸。風帆采石磯。平沙迴渺漫。寒雨曖熹微。客心閑轉切。鄉書近卻稀。夢聞兒女泣。行將童僕依。竊慕漆園放。誰云潘岳非。乘濤慣不險。迴江望若圍。武昌未易到。更向岳陽歸。

秋夜作

露下氣逾肅。月高寒欲流。落葉階前樹。疎鐘城北樓。衰年對急景。歸心臨暮秋。當世非無意。才薄徒淹留。進士張于高。得邛州判官歸成都。

邛竹山前負弩迎。去年曾是一書生。天寒劍閣猶車馬。雪滿繩橋正甲兵。卽恐徵求民力竭。莫將憂患客心并。六千餘里關河路。不盡深期遠別情。

題陶淵明歸興圖

貧無酒飲。聊欲試弦歌。去家百餘里。邈若異山河。江上日多風。浩浩水增波。門前五柳樹。繁蔭空婆娑。

秣田已收成。歸計當如何。

寄題傅尊師兄弟所作寧壽道院

鍾榮之山千萬峯。琵琶塵湖相疊重。兩翁入谷起臺殿。半夜空山聞鼓鐘。猛虎如逢澗邊石。飛龍卻是雲間松。黃庭書罷人難見。鴻寶披殘手自封。度壑采芝隨鹿跡。登厓望日躡雲蹤。已知塵世惟堪笑。不是神人定少逢。辟穀有方桃更美。圍碁無地橘相容。但餘一念封人祝。未與人間萬事慵。

二月朔日雪中題歐陽少監所藏宋好古畫竹

農朝下延閣。貽我翠琅玕。微霜著節勁。細霧入林寒。欹枝偏稱遠。壓葉更宜攢。孤石覆逾潤。橫坡晴不乾。況茲春雪裏。相對五雲端。誤當裁汗簡。誰擬截漁竿。惟應湘浦上。歸共幽人觀。

雲錦溪棹歌七首

雲錦溪中雲錦鮮。好在高秋八月天。西蜀錦江那得似。西湖綠水更須憐。

又

纔過浮石是藍溪。溪上青山高復低。山中泉是溪中水。尋源直到華山西。

又

藍溪南去到藍洲。水底嶄嶄石不流。迴望朱宮雲霧裏。白雲深處更高樓。

又

宮前梨浦白茫茫。岸上人家不似牆。能到此中還有幾。行人莫厭棹歌長。

又

楊金橋望玉真臺。臺下橋頭人往來。崇文宮裏看華去。安仁縣裏賣薪回。

又

挹僊亭下薛公橋。紛紛抵暮更連朝。唯有橋西楊與柳。無情長繫木蘭橈。

又

溪上層層雲錦山。垂楊盡處是龍灘。不是孤舟來逆上。何人知道世途難。

御書雪林二字賜趙中丞應制

聖主揮毫臨祕閣。親臣執法坐崇臺。祥雲五色從天下。彩鳳雙飛映日來。政欲清如林上雪。已聞聲奮地中雷。君臣千載明良會。咫尺薇垣接上台。

題胡虔汲水蕃部圖應制

沙磧茫茫塞草平。沙泉下馬滿囊盛。曾於王會圖中見。真向天山雪外行。聖德只今包宇宙。邊庭隨處樂農畊。生綃半幅唐人筆。留與君王駐遠情。

題辛澄蓮華觀音像應制

至人不可測。宴坐青蓮華。珠纓被玉體。白豪貫彤霞。從何得此相。來置玉皇家。

杜節婦詩

結髮事夫子。白首以相期。諧宴方婉孌。生死遽分離。室中無長男。堂上無老姑。生計日蕭條。誰分心不渝。良馬不亂羣。仁鳥不亂行。昔者爲夫婦。今忍遂相忘。生爲董家女。死作杜家婦。安能若流水。東流復西注。春秋陳時祀。蘋藻宿所供。一朝祭無主。焉得不忡忡。灼灼庭中花。落落俱爲實。賤妾在空閨。志願從此畢。題內府畫四首應制

韓滉土星像

五行土居中。百獸牛有功。土行降爲神。騎牛髮翁翁。有土復有牛。惟神賜年豐。遙知韓滉意。政與星心同。曹將軍下槽馬圖

曹霸畫馬真是馬。宛頸相摩槽檣下。卓犖權奇果如此。豈有世上無知者。朱絲不是凡馬韁。天閑十二皆龍驤。曾從天子平四方。畫圖彷彿餘驪黃。華山之陽春草長。

韓幹馬

韓幹畫出曹將軍。幹惟畫肉尤逼真。昂藏四顧欲飛去。老奚安知馬有神。想當此馬未畫時。朝刷吳越暮燕秦。頓轡長鳴風動地。不數驂騑與騏驎。當時用舍那知許。粉墨蕭條尙雄武。千金駿骨何足論。萬世長留臺王府。

宋徽宗成平殿曲宴蔡京圖御畫御記

東京諸蔡滿周行。延福成平樂未央。千畝松篁籠玉殿。九霄風露溼霓裳。君臣契合同堯舜。禮樂光華邁漢唐。明日圖成仍作記。千秋留與監興亡。

送祕書李道濟赴峽州幕

蓬萊道山芸閣裏。赤甲白鹽蓮幕中。十載同朝君獨去。三年佐政我難同。大河水滿中宵雨。鉅野樹涼清曉風。夷陵江頭幾日到。迎視應先南飛鴻。

奉送全平章赴江西

聖主思南土。明公起集賢。直期凋瘵後。共致太平年。金虎分符重。文龍賜服鮮。權綱兼將相。標格近神仙。天地三江外。星辰北極邊。丹心齊出處。素志在陶甄。請述江南事。都非大德全。但徼扶弱美。竟坐抑強偏。無復同憂樂。徒令舞智權。平疇吹渤澥。暗室伏戈鋌。貪競明相訓。忠良默自憐。民心隨日壞。世態與時遷。況復兵饑接。仍聞疫癘纏。誅求殊未已。盃賊轉相撻。若擬寬憂顧。先須解倒縣。久飢寧擇食。多病但求痊。一語堪懲勸。微機足轉旋。已知平似水。更道直于弦。遙想聞公至。渾如望歲然。九重天上別。百丈霧中牽。日月明金節。山河入畫船。四方初息馬。五月正鳴蟬。豐樂田多黍。生香灑有蓮。岱宗標魯地。廬嶽壓湖天。水怪收崩浪。山靈掃瘴烟。歡呼麟鳳出。踴躍吏民先。笳鼓趨雄鎮。旌旗覆廣川。下車和氣應。袖手頌聲延。膏雨侵淮甸。仁風扇海壖。忠貞眞世篤。調燮有家傳。赤子皆同體。蒼生且息肩。紫黃須警策。方召在蕃宣。

題青山白雲圖

桃華鸚鵡

蕭寥青山曉。迢遞白雲生。衆樹春已暗。高原人未畊。方思看桃去。復擬采苓行。深谷無機事。白髮枕松聲。
嶺外經年別。花前得意飛。客來呼每慣。主愛食偏肥。才子憐紅背。佳人學綠衣。狸奴亦可怕。莫自戀芳菲。

趙孝子

廬陵趙孝子。四歲父行賈。一去三十年。家惟大母母。大母已云沒。而父行不歸。兒長亦有婦。母子聊相依。
從父自北來。汝父久已死。母子哭且問。父死何鄉里。聞汝父死時。不知汝父處。汝但欲往問。京師多舊故。
再拜別阿母。行多至京師。自念不見父。兒死無歸時。乃有曾老者。往昔與父善。言汝父死處。濱州利津縣。
徒跣二千里。薄言至利津。朱琪張文輩。一一陳所因。死以某年月。葬以某木棺。姓名某所題。近在城南端。
城南冢纍纍。巖然榛莽中。極目千萬冢。誰能識其蹤。行哭七日餘。欲死不得所。生者無由知。死者豈能語。
解髮繫馬鞍。負之墳墳過。吾父倘有知。髮解鞍自墮。俄至一墳前。鞍墮髮自解。開墳見前和。題字宛猶在。
既見父姓名。痛絕心始安。函骨陳野祭。禽鳥聲爲酸。鄰老四面來。驚歎未曾有。相帥報縣官。縣官駭之久。
卽日上大府。大府咸異之。次第聞中朝。行子正南馳。行子行且傷。哭踊如初喪。路遙山川阻。何時至故鄉。
故鄉旣云至。葬祭無遲禮。母子永不離。萬事若流水。聞者盡稱孝。見者皆感泣。期爾百世昌。望爾百祿集。
兒今一無願。願母長不老。歲歲父墳前。灑飯墳上草。

題姑蘇陸友仁所藏衛青印

白玉蟾螭小篆文。姓名識得衛將軍。衛將軍今何在。白草茫茫古時塞。將軍功業漢山河。江南陸郎古意多。

廬山連尊師求真陽詩久諾而未作也。一夕夢中得之。因書以贈。稽天之浸不可滅。焦石之烈不可絕。香爐峯頭按羽節。滿山桃華滿湖月。

贈項鍊師

吾聞有一士。邈在吳越間。騎虎滄海上。茹芝天台山。年約四十餘。七星布其冠。燕趙雖曠絕。倏忽一往還。樵子常見之。徑去不可攀。又聞好賣藥。往往在市闔。疾者得寸匕。立欲生羽翰。吾常慕其人。只尺限河關。道書讀萬過。不如一承顏。弱志揜昏氣。卑卑逐王官。何爲浪自苦。食息于人寰。

送鄉人祐上人從師歸當陽

學道玉泉寺。從師天子都。流年春事半。歸路客帆孤。山勢遙連蜀。江聲不入吳。故園如可到。種芋有遺區。

送蘇尊師歸茅山

華陽隱居者。聞復有蘇仙。時向梅花下。高枕石頭眠。劍匣出飛電。琴心流暗泉。閑來京闕下。夜夜夢雲邊。

寄題張齊公廟

東安猛將張齊公。十八奪父軍囚中。至元召募起亡命。父子南伐收奇功。酒酣一躍馬上立。拔劍四顧奔雷風。十年轉戰江漢上。萬里直挽安南弓。乾清坤夷四海一。勳在旂常心帝室。身封萬戶傳子孫。誓不偷。

生汗天秩。天下豐盛大德年。天子明聖宰相賢。小臣劉深射功利。上疏自薦能開邊。鬼方寡婦號八百。嫂叔操戈自爭國。劉深一言取大官。遠帥官軍陵險阨。五溪運糧數萬家。哭聲震動湖南北。發徒開道徑折節。既勤其民大求索。斗量金珠谷量馬。谿壑之欲安可塞。此時張公亦在行。捐軀力諫皆莫克。折節薄險伏四起。劉深夜遁張公死。鳥飛不度山川愁。坐看英雄化爲鬼。乃知自古守邊鄙。大忌邀功貴寧敕。張公廟食東海頭。劉深梟首蠻烟裏。張公世爲忠孝門。劉深萬年穢青史。兩家同死不同心。試與題詩作臣軌。

題李安中白翎雀

白翎雀白翎雀。每見灤河河上飛。平生未識百禽性。不敢籠向江南歸。

寄題楊教授菊莊

歸人種菊處。乃在東海涯。幽香發清真。正色間奇葩。百種猶未愜。千株寧足多。寒分石橋月。晴通赤城霞。特起表陰卮。羅生騁陽阿。門巷掩蒿萊。荒徑絕經過。飲露咀其英。孰知年歲遐。

番易蕭性淵攜其祖將領所愛唐琴號霜鍾者還自和林求詩六月三日五門宣赦後作

嵩州昔有蕭將軍。讀書學劍天下聞。南隨龍馬渡江去。尙有孤琴傳子孫。孤琴云是唐人斲。昔日軍中自行樂。至今猶存殺伐聲。一鼓哀風振寥廓。將軍之孫才且良。文能作賦武蹶張。秦皇城下飲白馬。祁連山中射白狼。時平好文不好武。抱琴卻歎儒衣誤。昭王臺上看青春。彭郎磯頭夢歸路。日長史館幽且閒。正冠拂琴爲我彈。京城六月日如火。霜鍾半夜鳴空山。南風自有虞廷操。可惜同心不同調。捐琴決眼望青

天今日天門有新詔。

送王伯循編修赴南臺御史

朝辭禁苑暮南臺。驄馬翩翩道路開。佐邑已知爲治最。經邦正賴濟時才。人情好惡非相遠。民力凋殘實可哀。鵬鶚秋天須搏擊。郊原恐有鳳麟來。

寄題鄴下樊氏鍾秀園

鄴都雄地理。樊氏好園林。庭戶花陰合。池臺樹色深。佳時惟飲酒。永日自彈琴。車馬如相訪。流泉可洗心。題廖氏皆春堂

時清日月明。心和寒暑平。東風扇萬物。花間語流鶯。農輿水泉動。蠶起桑柘榮。牛羊被原隰。麟鳳在郊坰。少者擊壤歌。老者鼓腹行。不知天壤內。何物異吾生。常願天子聖。四海無苛征。夔龍滿廊廟。簫韶歌九成。大駕旣幸上都。率奎章諸生之留京者。讀書宮南史館中。得大熱疾。勢危甚。項君子虛視之一藥。而起爲賦五言一首爲謝

天台頂子虛。乃是列仙儔。賣藥都市中。疑是韓伯休。欲見不可得。不見忽相求。神清骨秀聳。蒼松倚丹邱。又如霜空月下。照千丈流。時有揭子者。臥病城南陬。馳往施寸匕。大暑生清秋。人言死復生。仰視行雲浮。長揖忽不見。思之生白頭。

周氏放山驛水木清華亭

周家亭子敖山上。斷隴連岡紫翠開。晴日捲簾幽鳥下。微風倚柱白雲來。松間漁艇時俱放。竹外樵歌晚獨回。咫尺紅塵車馬地。已如弱水限蓬萊。

題趙照磨虛舟

剝木作孤舟。乘風到處遊。寧求觸無怒。政用載能浮。歸共唯明月。行隨只白鷗。浩然江海上。何懼復何憂。

送毛真人還龍虎山

手綰銀章主祕祠。翩然歸去忽如遺。塵湖龍井雲間上。鳳曲鸞歌月下歛。香逐蘅薇深更入。氣交梨棗靜偏宜。南屏風雨平坡雪。爭似山中夢覺時。

南屏山在上都南七十里。歲扈從至上都。夏秋居焉。平坡在大都西四十里。西山之上。冬春居焉。蓋皆所掌祕祠所在。

故中憲大夫嶺北行省左右司郎中蘇公志道哀詩

蘇公廊廟姿。推擇起爲吏。論議動引經。舉措必由義。惟時方大旱。謂咎在寃滯。決獄天乃雨。凶年化豐歲。流聲滿山西。憲府立羅致。慷慨平生懷。遂佐直指使。受命按邊鄙。正色行使事。邊臣旣威服。使亦免顛躓。六曹收雄材。兩府資遠器。激昂天下事。往往見謀議。十載拘掾曹。彌年困文字。雖云富匡贊。豈足盡材執。一命廁省僚。勾稽得深弊。銓選班爵冗。出入錢穀細。竝緣出多門。穿冗肆姦利。有如水上市。驅去還復至。因風一披蕩。暫得免蒙翳。再命主賊曹。持平獨丕蔽。恆求情中實。動究法外意。功罪必誅賞。善惡俱惕厲。二命參宥密。令聞益昭晰。和林跨大漠。肇造此根柢。東際瀚海頭。西控流沙裔。北窮陰山外。南倚兩都勢。

連營列萬里。倉庾千萬計。鎮以磐石宗。重以分省寄。億昔大德末。成廟方厭世。桓桓忠獻王。功大更多智。武皇既踐阼。宮闕始清闕。越邸矜微勞。寵極心乃異。國有社稷臣。讒乃惑聰睿。遂輟股肱任。往重藩屏繫。有威如雷霆。有恩若元氣。畊繫比中土。什五相錯置。士忘遠戍苦。民見太平治。道路無拾遺。商旅畢懷惠。忠獻一朝沒。武皇亦遐棄。駸尋延祐中。權相擢天位。磨牙吮人血。掉尾恣狂獠。戕賊骨肉親。迫逐見危墜。天人共震怒。降災及茲地。大雪深丈餘。人馬相枕斃。重爲朝廷憂。夙夜靡寧志。除吏超五等。聞者盡驚避。蘇公拜郎中。卽日辭九陛。厚祿非所榮。高爵非所貴。彼民亦天民。安得皆坐視。兼程到官所。發廩急周濟。死者何嗟及。存者再生遂。閭閻漸蘇息。竭力補黥劓。飛書九重天。請爲兵民備。募粟實塞下。慎勿憚勞費。天子賜問勞。名王致金幣。至今賴長策。當時已多忌。如何方賜環。及國竟長逝。都人走相哭。行子爲歔歔。崩騰朔風迅。慘澹浮雲曳。蒼松拔其根。黃鵠鍛其翅。幸哉有令子。名已注簡記。千秋常山下。豪傑一揮涕。

題羅稚川所畫臨川羅益謙溪居圖

造籬臨川郡。泱泱元獻里。溪上君子廬。閉戶青林裏。連山烟景晏。斷岸寒沙靡。日暮孤舟還。荒村隔流水。

寄題武寬則湖山堂

祝融九千七百丈。六月飛雪灑洞庭。攸輿學者武寬則。石鼓齋中窮六經。氣橫瀟湘波浪白。思入嵩華烟雲青。四千餘里到京國。倒插五色鳳皇翎。河西猛將今太尉。一見握手坐廣庭。立呼愛子俾受業。豈獨汝學我亦聽。猿肩虎頭日侍側。長刀大劍羅青瑩。動陳忠義破肝膽。衆目睽睽開心局。丈夫乖遇豈偶爾。縱

不我聽我則寧。嗟予官冷材力薄。每辱奇俊哀吟。天晴風靜輒過我。如病得瘥醉得醒。不爲湖山勞夢寐。不爲富貴疲心形。始知卓識出天性。豈彼狗苟蠅營營。方今夔臬滿廊廟。洪恩斐降無濫刑。長材用世何不可。大夫列卿如拾瑩。君如得位立行志。慎勿學我空星星。我今老矣何所稱。白雲深谷寒烟汀。

十月十八日夜南郊齋宿夢先帝召見便殿手賜橘花一枝有感而作

淚盡烏號不可攀。傳宣忽降白雲間。人華拜舞君王賜。夢斷齋廬月滿壇。

寄題上饒鄭氏菊莊

上饒多隱者。鄭氏善爲方。移居倪陽里。種菊今成莊。近取徧吳楚。遠求至帝鄉。品類百十餘。顏色不可常。漑以玉井泉。樊以柳與楊。晨興卽造之。不憂露沾裳。有時忘飢渴。餐之以爲糧。門無催租吏。家有白玉郎。華前撫鳴琴。華下列壺觴。興至輒痛飲。飲罷臥其傍。自謂得菊趣。不知與菊忘。但恐秋景晏。繁露結爲霜。盆盛虛室中。虛室仍面陽。重簾護夕氣。疎牖逗朝光。亂以青青蒲。水石儼成行。重得隱者心。不辱桃李場。玩物焉足計。歲晚託餘芳。

題四清圖

一清曰王右軍。平生富事業。獨以能書聞。遂令吳越士。至今學者猶紛紛。于嗟乎。王右軍。

又

二清曰軒轅彌明。偶然吟石鼎。狂怪使人驚。遂令韓吏部。至今妄得狂怪名。于嗟乎。軒轅彌明。

又

三清曰玉川子。忍窮吟月蝕。天高叫欲死。獨對烹茶婢。白頭赤腳老無齒。于嗟乎。玉川子。

又

四清曰林和靖。周程明聖學。韓范輔王政。獨對玉梅花。山色湖光耿相映。于嗟乎。林和靖。

題新安許氏蘭秀軒

蘭生兮深谷。漱流泉兮蔭嘉木。綠葉兮披披。玉幹兮紫蕤。植之兮堂下。播芳馨兮菲菲。菲菲兮揚揚。思君子兮高堂。絃琴瑟兮會友。嘉肴苾兮薦芳。襲芳兮佩秀。宜君子兮多壽。

夢題墨梅

霜空冥冥江水暮。江上梅花千萬樹。無端折得一枝歸。一雙蝴蝶相隨飛。

寄題永豐劉氏暖翠亭

孤亭萬竹中。危坐自生風。近與山光合。遙連野氣通。鳥啼深不見。泉響靜偏聰。束帛休相汙。先生道未窮。

又

雞山俯鷺溪。亭子畫堂西。流水菱蒲合。陽林竹樹齊。耕桑烟外集。賓客雨中攜。萬事俱塵土。詩成手自題。

寄題信州德元觀何真人林園長春亭

長春亭榭倚雲開。百里湖山入座來。流水繞階時自照。好花如幄手親栽。青雲每指尋真路。白髮頻登望

母臺。嘉在
前山。六月神龍起潭井。人間幾處待風雷。

題信上人春蘭秋蕙四首

深谷暖雲飛。重巖花發時。非因采樵者。那得外人知。

又

孤芳不作榦。奕葉自含滋。白石蒼苔路。落花流水時。

又

山深風露冷。何處有華開。直入雲林去。香泐石澗來。

又

幽叢不盈尺。空谷爲誰芳。一徑寒雲色。滿林秋露香。

蔡七祖真人得朱文公所書讀書二字以名其齋請賦

今人題扁古人書。孔李通家意未疏。萬箇猶嫌栽竹晚。百圍曾見種松初。黃庭義密從心得。白髮身閒對客梳。近有方平消息否。紅蓮成碧藕成車。

送陰陽蕭教授赴瀏陽

青草茫茫接洞庭。瀏陽江上好談經。遙瞻紫蓋爲南嶽。仰見長沙是壽星。日晏投書招楚客。夜闌鼓瑟感

湘靈下簾高坐金錢滿。賸買鹽梅寄在廷。

賦得春雁送張郎中省覲揚州

東風吹歸雁。離離翔天側。朝發衡陽浦。夕過陰山磧。嘹唳浮雲中。萬里才一息。眷言思親者。相望有南北。

送聶太祝赴潮州錄事聶天歷潛邸舊人

三載從容禮樂間。糾曹新拜度梅關。春風忍過金陵道。夜月重經黃木灣。盜賊數州相應起。甲兵諸道幾時還。憑君細講安民策。莫遣邊防一日閒。

題俞氏看雨軒

慘澹來何處。崩騰忽滿城。遙連四山黑。近灑半江明。可愛華間溼。偏宜竹上聲。中宵未可住。高枕寄餘情。

題江道士清虛館

遺紛極元覽。宴坐白玉京。日月朗朝夕。河漢流無聲。冉冉兩玉童。雙吹紫鸞笙。下視九九州。浮以四大瀛。萬劫猶一瞬。逍遙樂泰清。

賦得吳歌送人歸吳中

三月酒如澗。高堂絲竹停。繡筵雙鳳影。珠箔亂鶯聲。疊應紅牙拍。辭傳金縷名。綵雲低不度。芳麈暗自驚。花發長洲苑。日照闔閭城。且奉千金壽。寧忘萬里情。

揭文安公少時撰功臣列傳。見推於平章李君。晚年以遼金宋三史爲己任。詳論作史之法。未卒業。

而告殂。會稽楊鍊崖作文。偕張伯雨、李孝光輩。祭之于孤山之巔。同控天斬斯文之歎。謂史筆不再見也。至其父子自爲師友。君臣相爲親重。及以躅俸金一事。見德於富州。本傳已具載矣。海隅毛晉識。